



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. LVII. Miserere mei Deus, miserere mei: &c. Carm. gen. 2.

[urn:nbn:de:hbz:466:1-69145](https://nbn-resolving.de/urn:nbn:de:hbz:466:1-69145)

Oarbiter mundi, nec illos
Præcipites agis in ruinam?
Meæ labores tu numeras fugæ:
Vrna repostas tu lacrymas meas
Seruas: apud te certa constat
Vsq; mei ratio doloris.
Aurem uocanti tu facilem mihi
Das, atq; inanes spes facis hostium:
Et signa non obscura amici
Das animi, & stabilis fauoris.
Te fretus uno, pollicitis tuis
Ininxus unis, nil metuam dolos
Mortalium cæcos, minasq;
Terrificas & aperta bella.
Te semper ergo carmine patrio
Laudabo, uitæ præsidium meæ:
Ex hostium ferro dolisq;
Incolumis tibi uota reddam.
Te liberatus uindice, te meum
Firmante gressum, ne titubent pedes,
Dum spiritus fouebit artus,
Iussa sequar tua, rector orbis.

PSAL. LVII. Miserere mei Deus, misere= Carm. gen. 2.
re mei: &c.

S Ancte parés miserere animæ pereūtis, & om-
In te salutis quæ locauit spé luæ: (nem
Meq; tuis alis tectum defende, procellæ
Dum sæuentis impetus deferueat.
Te uoco, te solum in rebus quod restat egenis
Appello, supplex & tuam imploro fidem.
Te

Te uoco, qui cumulata mihi promissa refun-
des,

Et cœpta duces prosperos ad exitus:

Qui mihi subsidium è cælo præbebis, & hostis
Iamiam imminentis liberabis faucibus.

Qui dabis auxiliū ex adyto sublimis Olympi,
Memorq; fidei & pristinæ clementiæ.

Inter enim sœuos habito feritate leones:

Flammam uomentes uersor inter belluas,

Lingua quibus sœuo proscindit acutius ense,
Dentes sagittis, lanceæq; cuspide.

O Deus augustum celso caput exere cælo:

Ostende terris gloriæ iubar tuæ.

Explicuere meis pedibus sua retia: terra

Me sœuus hostis penitus afflictum premit.

Et scrobibus fossis iter obledere: sed ipsi

Mihi paratas in scrobes cæci ruent.

Mens infracta malis, animi uigor integer, orbis

Te uoce rector, te celebrabit lyra.

Eia age depositis mens expurgiscere curis,

Et tu canora barbytos cum nabijs.

Ocyus auroræ quam Lucifer excitet ignes,

Aurora cantus quam uolucrum exuscitet,

Te pater alme canam : populos tua facta per
omnes

Quacunq; tellus panditur, uates feram.

Nam tua fiderei bonitas fastigia cæli,

Fidesq; tractus nubium superuolat.

O Deus augustum nitido caput exere cælo:

Ostende terris gloriæ iubar tuæ.

P S A L .